

道門科範大全集卷之六十六

三洞經錄弟子仲勵修

真武靈應大醮儀

臨午行道

法事陞壇如式

各禮師存念如法

宣衛靈呪

北方玄天 杳杳神君 億千變化 玄武靈真
騰天倒地 驅雷奔雲 隊仗千萬 掃蕩妖氛
雷公侍從 王女將軍 鬼神咸伏 龍虎潛奔
威震五嶽 萬靈咸遵 鳴鐘擊鼓 遊行乾坤
搜捕逆鬼 破碎魔魂 除邪輔正 迺常臻
和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真巨今
臨午行道謹奏為宣意其諸情悃已錄告聞

願得太上十方至真道炁靈寶瑞光下降流
入臣身中令臣所啓速達徑御

太上無極大道

昊天玉皇上帝御前

請稱法位

具位臣某與合壇眾官等謹同誠上啓

太上無極大道元始天尊太上大道君太上
老君太上昊天玉皇上帝九皇上帝十方無
極太上靈寶天尊已得道大聖眾至真諸君
丈人三十六部尊經玄中大法師北極佑聖
真武靈應真君三界應感一切真靈臣聞資
生資始物咸稟於二儀有義有知人最靈於
萬物九天合德三洞化形神炁之三萬六千
俱來扶衛骨節之三百六十無不混通但以
邪僻侈而迷真惡根深而蔽善於陰陽之數
盡當小大之劫終魔鬼流行遏絕生人之壽
算詭求餘福類皆倒見之愚蒙曾不省其本
原日信從其邪道有昏迷沉亂之感無忠孝
仁義之名本非死期橫被六天之傷殺遠絕
人命致令眾怨之升聞老少未盡其天年魂

魄無依於人世遂使穢雜之炁有盤結之多
真一之形無保全之所度彼下元之苦厄憑
茲真武之神君剪伐魔精拔濟魂爽仗慈尊
之力部萬域之兵斬妖滅邪而六合清明掃
穢除氛而三光瑩淨正法愈盛邪炁消除選

天下之和平解庶民之疑慮萬國有安寧之
慶九幽停考對之聲神功所施萬劫咸賴設
醮弟子恭夙叨真蔭久處塵寰每思作善之
祥專執事真之禮草茅凡質惟存葵向之誠
蟻蟻偷生素竊河流之潤獲淹歲月莫報恩
光爰因誦誦之辰特設迎祥之醮輒憑道侶
仰謝北靈極嚴上象之尊敢忘方函之奏忱
詞可格騰聞雖舉於舊章神理難窮昭禱率
摠於精意願回眺景俯察丹衷弟子青詞謹
當敷奏

宣詞

按如詞言誠深皈奉緬想五雲之座載飛百
和之煙天帝羣真如會上元之殿翔都主宰
前趨八景之宮蕭臺森竦於太空仙奏虛徐
於碧落眾真侍座羣魔末形敢不竭勵精誠

祇承盼靈庶荷穹祇之既以章家國之休以
今臨午行道請法眾等運茲初檢上香

願此香煙騰空徑上太清宮中供養

真武靈應真君所化之身金闕老君三清上
聖玉皇上帝臣等皈身皈神皈命以是捨香

功德上祝

今上皇帝福澄八海壽等二儀同日月之祥
華照臨莫極廣乾坤之至德覆燾無垠百揆
有倫三邊罷警干戈偃戢極負咸歸隼楷狼
鈎梯山自至冰蠶神默航海來庭蠢動合生

悉登仁壽今故燒香自歸依

道尊大聖眾至真之德得道之後昇入無形

和與道合真

以今臨午行道請法眾等運茲二檢上香

願此香煙騰空徑上北極太常府供養

真武靈應真君所屬武曲星君同北極眾聖

臣等皈身皈神皈命以是捨香功德歸流奉

道其家九世神儀億先神識超離長夜升觀

光明瑩神丹霍之庭擢景洞陽之府天衣耀

彩仙簡列名流貺子孫參真霄漢今故燒香

自歸依

經尊大聖眾至真之德得道之後昇入無形

和與道合真

以今臨午行道請法眾等運茲三檢上香

願此香煙騰空徑上神座供養

真武靈應真君臣等皈身皈神皈命以是捨

香功德歸流奉道其家六姻九族眷屬絲羅

俱治勝緣常蒙道佑潛祛罪孽密解災纏債

訟消平冤仇和釋凶人惡鬼無謀害之機暗

曜黑符免照臨之厄神真佑護動止亨通今

故燒香自歸依

師尊大聖眾至真之德得道之後昇入無形

和與道合真

重稱法位

具位臣等與合壇眾官等謹同誠上啓

太上無極大道元始天尊太上大道君太上

老君太上昊天玉皇上帝九皇上帝十方無

極太上靈寶天尊已得道大聖眾至真諸君

丈人三十六部尊經玄中大法師北極佑聖

真武靈應真君三界應感一切真靈臣聞靈

應誕敷請問爰從於妙行妖氛鼓孽斷除昔

賴於威神念末世之多難致羣魔之再盛敢

興珍氣以擾良民欲冀蕭清用伸抑鬱醮官

其竊以城邑郊墟之下妖孽所憑山川林壑

之間精靈所舍或依棲叢薄或放蕩汀洲雨

嘯風啤鼓冤聲於四野雲屯月晦出燐火於

中宵僮遇茲茲必傷正命或自經溝壑或受

刃鋒鋌或入火蹈河時作癩癩之狀或含酸

茹苦常懷驚怖之憂醮官其等切恐舉世生

靈或被茲苦伏冀真君不違誓願大展威靈

驅此妖邪歸乎空寂天清地靜永絕憑陵同

與生靈不勝大願醮官其等竊以姦雄鬼域

踞官殿以遊空兇狡邪精肆妖迷而誑物或

依棲樓閣或居止山林夜昏則燈火熒煌野

曠則笙歌雜選布宣邪氣竊取珍藏禍虐生

民以覲牲醪之祭矜持詐力能收少壯之魂

僮遇茲茲必傷正命或久貧而亟富或已得

而復亡轉徙無常利貪人之禱祀侵凌不已

致形體之沉淪醮官其等切恐舉世生靈或

被茲苦伏冀真君不違誓願大展威靈驅此

邪妖歸乎空寂天清地靜永絕憑陵同與生靈不勝大願醮官某等竊以江湖河海有潛蛟伏鱗老龜巨鼈之精林麓山川有封豕長蛇毒蟲猛獸之屬乘其波險遽起吞舟伺彼足音便懷肆毒變生倉卒死在須臾儻遇茲姦必傷正命或置峽山椒之下或沉埋魚腹之中或吸嘯邪氛雷鳴鼓腹或觸投猛噬血濺形枯醮官某等伏恐舉世生靈或被茲苦伏冀真君不違誓願大展威靈驅此妖邪歸乎空寂天清地靜永絕憑陵同與生靈不勝大願醮官某等竊以蜀中云坤與艮并之地東南云狗發開學之地姦毒興妖山林田野之家邪巫作怪飛符嘯水割口焚身呪詛指空果間枉大精神在己俄被拘囚美金欲嘗已中血蟲之害鐵鞭微舉遽驚僵仆之虞儻遇茲姦必傷正命或嘯呼終日或昏醉經年或狂亂無端認空花而作伴或啞鳴不語得暴疾以云殂醮官某等伏恐舉世生靈或被茲苦伏冀真君不違誓願大展威靈驅此妖邪歸乎空寂天清地靜永絕憑陵同與生靈不勝大願醮官某等竊

以塚墓丘陵之腐骨化作屍蟲斬巖溪湖之腥嵐起為煙瘴或流傳飛症或漸漬熏陶緣息未分已有復連之兆精神或憊遂成中滿之疴儻遇茲姦必傷正命或形臞骨立或腹伏氣奔或華蓋垂血不藏於靈府或瓊池耗竭水遂溢於丹田醮官某伏恐舉世生靈或被茲苦伏冀真君不違誓願大展威靈驅此妖邪歸于空寂天清地靜永絕憑陵同與生靈不勝大願醮官某等竊以無邊塵劫流轉世間已死冤魂仇讎身後或負違財貨或殘害形軀禍結冤纏痛深報重得便者必居人類陽作交親伺隙者必處幽途陰為鬼祟乘時造孽待間中傷儻遇茲姦必傷正命或纏綿疾病或閻合萬兵或呻吟枕席之間求生無路或僮路街衢之上欲訴何門醮官某等伏恐舉世生靈或被茲苦伏冀真君不違誓願大展威靈驅此妖邪歸于空寂天清地靜永絕憑陵一切有情咸臻至道上明天尊大慈之澤下副臣等歸命之誠謹啓以聞

十二願 復爐

謹攝香官使者左右龍虎君侍香諸靈官當令臣向來臨于行道之所自然生金液丹碧芝英百靈眾真交會在此香火爐前當願十方仙童玉女接侍蘭煙傳臣向來所啓之誠速達徑御

出堂頌 出戶

至真無極大道昊天玉皇上帝御前